

千手千眼觀世音菩薩
廣大圓滿無礙大悲心
陀羅尼經

附：觀世音菩薩感應靈課暨四十手印補注




南無本師釋迦牟尼佛



薩 菩 音 世 觀 眼 千 手 千 無 南






千手千眼觀世音菩薩
廣大圓滿無礙大悲心
陀羅尼經

暨四十手印補注

附觀世音菩薩感應靈課



目錄

讚觀音偈	1
誦持大悲咒者	2
【甲】得十五種善生	2
【乙】不受十五種惡死	3
大悲咒發願文	4
供水偈咒	6
供香偈咒	6
開經偈	7
◎千手千眼觀世音菩薩 廣大圓滿無礙大悲心陀羅尼經	8
觀世音菩薩手相圖印	66
百字明咒	108

大輪金剛陀羅尼	109
大悲神咒持誦須知	111
大悲水的念服法	113
大悲咒防火災法	114
大悲咒的感應	115
觀音回向偈	118
◎觀世音菩薩感應靈課	119
印行流通序	119
印光大師法語	120
占卜法須知	121
製版流通緣起	122
觀世音菩薩三十二籤及釋	124
諸佛菩薩延辰及紀念日	140

讚觀音偈

稽首觀音大悲主

千臂莊嚴普護持

眞實語中宣密語

速令滿足諸希求

龍天衆聖同慈護

受持身是光明幢

洗滌塵勞願濟海

我今稱誦誓歸依

願力洪深相好身

千眼光明徧觀照

無爲心內起悲心

永使滅除諸罪業

百千三昧頓薰脩

受持心是神通藏

超證菩提方便門

所願從心悉圓滿

【誦持大悲咒者】

◎ 甲、得十五種善生：

- (一) 者所生之處常逢善王。
- (二) 者常生善國。
- (三) 者常值好時。
- (四) 者常逢善友。
- (五) 者身根常得具足。
- (六) 者道心純熟。
- (七) 者不犯禁戒。
- (八) 者所有眷屬恩義和順。
- (九) 者資具財食常得豐足。
- (十) 者恆得他人恭敬扶接。
- (十一) 者所有財寶無他劫奪。
- (十二) 者意欲所求皆悉稱遂。
- (十三) 者龍天善神恆常擁衛。
- (十四) 者所聞正法悟甚深義。
- (十五) 者所聞正法悟甚深義。

◎ 乙、不受十五種惡死：

- (一) 者不令其饑餓困苦死。
(二) 者不為枷禁杖楚死。
(三) 者不為怨家讐對死。
(四) 者不為軍陣相殺死。
(五) 者不為虎狼惡獸殘害死。
(六) 者不為毒蛇蜈蚣所中死。
(七) 者不為水火焚漂死。
(八) 者不為毒藥所中死。
(九) 者不為蠱毒所害死。
(十) 者不為狂亂失念死。
(十一) 者不為山樹崖岸墜落死。
(十二) 者不為惡人厭魅死。
(十三) 者不為邪神惡鬼得便死。
(十四) 者不為惡病纏身死。
(十五) 者不為非分自害死。



【大悲咒發願文】

南無大悲觀世音
 南無大悲觀世音
 南無大悲觀世音
 南無大悲觀世音
 南無大悲觀世音
 南無大悲觀世音
 南無大悲觀世音

願我速知一切法
 願我早得智慧眼
 願我速度一切眾
 願我早得善方便
 願我速乘般若船
 願我早得越苦海
 願我速得戒定道

南無大悲觀世音

願我早登涅槃山

南無大悲觀世音

願我速會無為舍

南無大悲觀世音

願我早同法性身

我若向刀山

刀山自摧折

我若向火湯

火湯自消滅

我若向地獄

地獄自枯竭

我若向餓鬼

餓鬼自飽滿

我若向修羅

惡心自調伏

我若向畜生

自得大智慧

供水偈咒

喻 啊彌利得 吽 怕都（三遍）

供養十方諸佛、菩薩、緣覺、聲聞、賢聖僧眾

供香偈咒

願此香華 普遍十方

供養三寶 護法龍天

普熏眾生 同入佛智

開經偈

南無本師釋迦牟尼佛 三稱

無上甚深微妙法

百千萬劫難遭遇

我今見聞得受持

願解如來真實義



千手千眼觀世音菩薩廣大圓滿無礙大悲心陀羅尼經

唐 西天竺沙門伽梵達摩譯

如是我聞：一時，釋迦牟尼佛在補陀落迦山觀世音宮殿
寶莊嚴道場中，坐寶師子座，其座純以無量雜摩尼寶而
用莊嚴百寶幢幡周匝懸列。爾時，如來於彼座上，將欲
演說總持陀羅尼故，與無央數菩薩摩訶薩俱，其名曰：
總持王菩薩、寶王菩薩、藥王菩薩、藥上菩薩、觀世音

菩薩、大勢至菩薩、華嚴菩薩、大莊嚴菩薩、寶藏菩薩
 、德藏菩薩、金剛藏菩薩、虛空藏菩薩、彌勒菩薩、普
 賢菩薩、文殊師利菩薩，如是等菩薩摩訶薩，皆是灌頂
 大法王子；又與無量無數大聲聞僧，皆行阿羅漢十地，
 摩訶迦葉而為上首；又與無量梵摩羅天，善吒梵摩而為
 上首；又與無量欲界諸天子俱，瞿婆伽天子而為上首；
 又與無量護世四王俱，提頭賴吒而為上首；又與無量天
 、龍、夜叉、乾闥婆、阿修羅、迦樓羅、緊那羅、摩睺

羅伽、人、非人等俱，天德大龍王而為上首；又與無量
欲界諸天女俱，童目天女而為上首；又與無量虛空神、
江海神、泉源神、河沼神、藥草神、樹林神、舍宅神、
水神、火神、地神、風神、土神、山神、石神、宮殿等
神，皆來集會。

時，觀世音菩薩於大會中密放神通，光明照耀十方剎土
及此三千大千世界，皆作金色；天宮、龍宮、諸尊神宮
皆悉震動，江河大海、鐵圍山、須彌山、土山、黑山亦

皆大動，日月珠火星宿之光皆悉不現。於是總持王菩薩見此希有之相，怪未曾有，即從座起，又手合掌，以偈問佛，如此神通之相，是誰所放？以偈問曰：

誰於今日成正覺 普放如是大光明

十方剎土皆金色 三千世界亦復然

誰於今日得自在 演放希有大神力

無邊佛國皆震動 龍神宮殿悉不安

今此大眾咸有疑 不測因緣是誰力

為佛菩薩大聲聞 為梵魔天諸釋等

唯願世尊大慈悲 說此神通所由以

佛告總持王菩薩言：善男子！汝等當知！今此會中有一

菩薩摩訶薩，名曰觀世音自在，從無量劫來，成就大慈

大悲，善能修習無量陀羅尼門，為欲安樂諸眾生故，密

放如是大神通力。佛說是語已；

爾時，觀世音菩薩從座而起，整理衣服，向佛合掌，白

佛言：世尊！我有大悲心陀羅尼咒，今當欲說，為諸眾

生得安樂故、除一切病故、得壽命故、得富饒故、滅除
一切惡業重罪故、離障難故、增長一切白法諸功德故、
成就一切諸善根故、遠離一切諸怖畏故、速能滿足一切
諸希求故。惟願世尊慈哀聽許。佛言：善男子！汝大慈
悲安樂眾生，欲說神咒，今正是時，宜應速說，如來隨
喜，諸佛亦然。

觀世音菩薩重白佛言：世尊！我念過去無量億劫，有佛
出世，名曰千光王靜住如來。彼佛世尊憐念我故，及為

一切諸眾生故，說此廣大圓滿無礙大悲心陀羅尼。以金色手摩我頂上，作如是言：善男子！汝當持此心咒，普為未來惡世一切眾生作大利益。我於是時始住初地，一聞此咒故，超第八地。我時心歡喜故，即發誓言：若我當來堪能利益安樂一切眾生者，令我即時身生千手千眼具足。發是願已，應時身上千手千眼悉皆具足，十方大地六種震動，十方千佛悉放光明，照觸我身及照十方無邊世界。從是已後，復於無量佛所、無量會中，重更得

聞，親承受持是陀羅尼，復生歡喜，踴躍無量，便得超越無數億劫微細生死。從是已來，常所誦持，未曾廢忘，由持此咒故，所生之處，恒在佛前，蓮華化生，不受胎藏之身。

若有比丘、比丘尼、優婆塞、優婆夷、童男、童女，欲誦持者，於諸眾生起慈悲心，先當從我發如是願：

南無大悲觀世音 願我速知一切法

南無大悲觀世音 願我早得智慧眼

南無大悲觀世音

願我速度一切眾

南無大悲觀世音

願我早得善方便

南無大悲觀世音

願我速乘般若船

南無大悲觀世音

願我早得越苦海

南無大悲觀世音

願我速得戒定道

南無大悲觀世音

願我早登涅槃山

南無大悲觀世音

願我速會無為舍

南無大悲觀世音

願我早同法性身

如來，然後即當誦此陀羅尼神咒。一宿誦滿五遍，除滅發是願已，至心稱念我之名字，亦應專念我本師阿彌陀

我若向畜生	我若向修羅	我若向餓鬼	我若向地獄	我若向火湯	我若向刀山
自得大智慧	惡心自調伏	餓鬼自飽滿	地獄自枯竭	火湯自消滅	刀山自摧折

身中百千萬億劫生死重罪。

觀世音菩薩復白佛言：世尊！若諸人天誦持大悲章句者，臨命終時，十方諸佛皆來授手，欲生何等佛土，隨願皆得往生。

復白佛言：世尊！若諸眾生誦持大悲神咒，墮三惡道者，我誓不成正覺。誦持大悲神咒者，若不生諸佛國者，我誓不成正覺。誦持大悲神咒者，若不得無量三昧辯才者，我誓不成正覺。誦持大悲神咒者，於現在生中一切

所求，若不果遂者，不得為大悲心陀羅尼也。唯除不善，除不至誠。若諸女人厭賤女身，欲成男子身，誦持大悲陀羅尼章句，若不轉女身成男子身者，我誓不成正覺。生少疑心者，必不果遂也。若諸眾生侵損常住飲食財物，千佛出世不通懺悔，縱懺亦不除滅，今誦大悲神咒即得除滅。若侵損食用常住飲食財物，要對十方師懺謝，然始除滅，今誦大悲陀羅尼時，十方師即來為作證明，一切罪障悉皆消滅。一切十惡五逆、謗人謗法、破齋

破戒、破塔壞寺、偷僧祇物、汙淨梵行，如是等一切惡業重罪悉皆滅盡。唯除一事，於咒生疑者，乃至小罪輕業亦不得滅，何況重罪！雖不即滅重罪，猶能遠作菩提之因。

復白佛言：世尊！若諸人天誦持大悲心咒者，得十五種善生，不受十五種惡死也。其惡死者：一者，不令其饑餓困苦死。二者，不為枷禁杖楚死。三者，不為怨家讐對死。四者，不為軍陣相殺死。五者，不為豺狼惡獸殘

害死。六者，不為毒蛇蜈蚣所中死。七者，不為水
 火焚漂死。八者，不為毒藥所中死。九者，不為蠱毒害死。
 十者，不為狂亂失念死。十一者，不為山樹崖岸墜落死。
 十二者，不為惡人厭魅死。十三者，不為邪神惡鬼得
 便死。十四者，不為惡病纏身死。十五者，不為非分自
 害死。誦持大悲神咒者，不被如是十五種惡死也。得十
 五種善生者：一者，所生之處常逢善王。二者，常生善
 國。三者，常值好時。四者，常逢善友。五者，身根常

得具足。六者，道心純熟。七者，不犯禁戒。八者，所得眷屬恩義和順。九者，資具財食常得豐足。十者，恒得他人恭敬扶接。十一者，所有財寶無他劫奪。十二者，意欲所求皆悉稱遂。十三者，龍天善神恒常擁衛。十四者，所生之處見佛聞法。十五者，所聞正法悟甚深義。若有誦持大悲心陀羅尼者，得如是等十五種善生也。

一切天人應常誦持，勿生懈怠。

觀世音菩薩說是語已，於眾會前合掌正住，於諸眾生起

大悲心，開顏含笑，即說如是廣大圓滿無礙大悲心大陀
羅尼神妙章句。

陀羅尼曰：

南無喝囉怛那哆囉夜哪一南無阿唎哪二婆盧羯帝爍鉢囉哪

菩提薩跢婆哪四摩訶薩跢婆哪五摩訶迦盧尼迦哪六唵七薩

皤囉罰曳八數怛那怛寫九南無悉吉利埵伊蒙阿唎哪十婆盧

吉帝室佛囉嚧馱婆十一南無那囉謹墀十二醯唎摩訶皤哆沙咩

(羊鳴音) 十三薩婆阿他豆輸朋十四阿逝孕十五薩婆薩哆那摩婆伽

十六 摩罰特豆 十七 怛姪他 十八 唵阿婆盧醯 十九 盧迦帝 二十 迦羅帝 十二

一 夷醯唎 二十 摩訶菩提薩埵 二十 薩婆薩婆 二十 摩羅摩羅 二十 摩醯

摩醯唎 馱孕 二十 俱盧俱盧 羯蒙 二十 度盧度盧 罰闍耶帝 二十 摩訶

罰闍耶帝 二十 陀羅陀羅 地利尼 三十 室佛囉耶 三十 遮羅遮羅 三十

三 摩摩罰摩囉 三十 穆帝囉 五十 伊醯移醯 三十 室那室那 三十 阿囉唵

佛囉舍利 三十 罰沙罰唵 三十 佛羅舍耶 四十 呼嚧呼嚧 摩囉 四十 呼嚧

呼嚧醯利 二十 娑囉娑囉 三十 悉利悉利 四十 蘇嚧蘇嚧 五十 菩提夜菩

提夜 六十 菩馱夜菩馱夜 七十 彌帝利夜 八十 那囉謹墀 九十 地唎瑟尼

那ナ五イ十ニ波ハ夜ヤ摩マ那ナ一ヒ五イ十ニ娑サ婆バ訶カ二ニ十ニ悉シ陀タ夜ヤ三ヒ十ニ娑サ婆バ訶カ四ニ十ニ摩マ訶カ五イ十ニ悉シ陀タ夜ヤ一ヒ十ニ

五イ十ニ娑サ婆バ訶カ六ニ十ニ悉シ陀タ喻ユ藝イ七ヒ十ニ室シ皤パ囉ラ耶ヤ八ヒ十ニ娑サ婆バ訶カ九ニ十ニ那ナ囉ラ謹ジン墀チ十ニ

娑サ婆バ訶カ一ヒ十ニ摩マ囉ラ那ナ囉ラ二ニ十ニ娑サ婆バ訶カ三ニ十ニ悉シ囉ラ僧ソウ阿ア穆ム佉フ耶ヤ四ニ十ニ娑サ婆バ

訶カ五イ十ニ娑サ婆バ摩マ訶カ阿ア悉シ陀タ夜ヤ六ニ十ニ娑サ婆バ訶カ七ニ十ニ者シヤ吉キ囉ラ阿ア悉シ陀タ夜ヤ八ニ十ニ娑サ

婆バ訶カ九ニ十ニ波ハ陀タ摩マ羯カ悉シ哆タ夜ヤ七ヒ十ニ娑サ婆バ訶カ一ヒ十ニ那ナ囉ラ謹ジン墀チ皤パ伽カ囉ラ哪ナ十ニ

二ニ娑サ婆バ訶カ三ニ十ニ摩マ婆バ利リ勝ソウ羯カ囉ラ夜ヤ四ニ十ニ娑サ婆バ訶カ五イ十ニ南ナン無ム喝カク囉ラ怛タン那ナ哆タ

囉ラ夜ヤ耶ヤ六ニ十ニ南ナン無ム阿ア唎リ哪ナ七ヒ十ニ婆バ嚧リ吉キ帝テイ八ヒ十ニ爍ラツ皤パ囉ラ夜ヤ九ニ十ニ娑サ婆バ訶カ十ニ

唵オン悉シ殿テン都ト曼マン哆タ囉ラ鉢ハツ默マク耶ヤ一ヒ十ニ娑サ婆バ訶カ二ニ十ニ

觀世音菩薩說此咒已，大地六變震動，天雨寶華繽紛而
下，十方諸佛悉皆歡喜，天魔外道恐怖毛豎，一切眾會
皆獲果證——或得須陀洹果，或得斯陀含果，或得阿那含
果，或得阿羅漢果者，或得一地、二地、三地、四地、
五地乃至十地者，無量眾生發菩提心。
爾時，大梵天王從座而起，整理衣服，合掌恭敬，白觀
世音菩薩言：善哉大士！我從昔來，經無量佛會，聞種
種法、種種陀羅尼，未曾聞說如此無礙大悲心大悲陀羅

尼神妙章句，唯願大士為我說此陀羅尼形貌狀相，我等大眾願樂欲聞。

觀世音菩薩告梵王言：汝為方便利益一切眾生故，作如是問。汝今善聽，吾為汝等略說少耳。觀世音菩薩言：大慈悲心是！平等心是！無為心是！無染著心是！空觀心是！恭敬心是！卑下心是！無雜亂心是！無見取心是！無上菩提心是！當知如是等心，即是陀羅尼相貌，汝當依此而修行之。大梵王言：我等大眾今始識此陀羅尼

相貌，從今受持，不敢忘失。

觀世音言：若善男子善女人誦持此神咒者，發廣大菩提心，誓度一切眾生，身持齋戒，於諸眾生起平等心，常誦此咒，莫令斷絕。住於淨室，澡浴清淨，著淨衣服，懸幡燃燈，香華百味飲食以用供養。制心一處，更莫異緣，如法誦持。是時當有日光菩薩、月光菩薩與無量神仙來為作證，益其效驗。我時當以千眼照見，千手護持，從是以往，所有世間經書悉能受持，一切外道法術、

韋陀典籍亦能通達。誦持此神咒者，世間八萬四千種病悉皆治之，無不差者，亦能使令一切鬼神，降諸天魔，制諸外道。若在山野誦經坐禪，有諸山精、雜魅、魍魎、鬼神，橫相惱亂，心不安定者，誦此咒一遍，是諸鬼神悉皆被縛也。若能如法誦持，於諸眾生起慈悲心者，我時當勅一切善神、龍王、金剛密跡，常隨衛護，不離其側，如護眼睛，如護己命。說偈勅曰：

我遣密跡金剛士
烏芻君荼鴛俱尸

八部力士賞迦羅

常當擁護受持者

我遣摩醯那羅延

金剛羅陀迦毘羅

常當擁護受持者

我遣婆馱娑樓羅

滿善車鉢真陀羅

常當擁護受持者

我遣薩遮摩和羅

鳩闌單吒半祇羅

常當擁護受持者

我遣畢婆伽羅王

應德毘多薩和羅

常當擁護受持者

我遣梵摩三鉢羅

五部淨居炎摩羅

常當擁護受持者

我遣釋王三十三

大辯功德婆怛那

常當擁護受持者

我遣提頭賴吒王

神母女等大力眾

常當擁護受持者

我遣毘樓勒叉王

毘樓博叉毘沙門

常當擁護受持者

我遣金色孔雀王

二十八部大仙眾

常當擁護受持者

我遣摩尼跋陀羅

散支大將弗羅婆

常當擁護受持者

我遣難陀跋難陀

婆伽羅龍伊鉢羅

常當擁護受持者

我遣修羅乾闥婆

迦樓緊那摩睺羅

常當擁護受持者

我遣水雷電神

鳩槃荼王毘舍闍

常當擁護受持者

是諸善神及神龍王、神母女等，各有五百眷屬，大力夜

叉常隨擁護。誦持大悲神咒者，其人若在空中山曠野獨宿

孤眠，是諸善神番代宿衛，辟除災障。若在深山迷失道

路，誦此咒故，善神龍王化作善人示其正道。若在山林

曠野，乏少水火，龍王護故，化出水火。

觀世音菩薩復為誦持者說消除災禍清涼之偈：

若行曠野山澤中，逢值虎狼諸惡獸

蛇虺精魅魍魎鬼，聞誦此咒莫能害

若行江湖滄海間，毒龍蛟龍摩竭獸

夜叉羅刹魚鼈鼉，聞誦此咒自藏隱

若逢軍陣賊圍繞，或被惡人奪財寶

至誠稱誦大悲咒

彼起慈心復道歸

若為王官收錄身

囹圄禁閉杻枷鎖

至誠稱誦大悲咒

官自開恩釋放還

若入野道盡毒家

飲食有藥欲相害

至誠稱誦大悲咒

毒藥變成甘露漿

女人臨難生產時

邪魔遮障苦難忍

至誠稱誦大悲咒

鬼神退散安樂生

惡龍疫鬼行毒氣

熱病侵陵命欲終

至ハ心コ稱イ誦ム大カ悲ク咒ク

疫ハ病ク消ス除ス壽ク命ク長ク

龍カ鬼ク流ク行ク諸カ毒ク腫ク

癰ウ瘡ク膿ク血ク痛ク巨ク堪ク

至ハ心コ稱イ誦ム大カ悲ク咒ク

三サ唾ク毒ク腫ク隨ク口ク消ク

眾カ生ク濁ク惡ク起ク不ク善ク

厭ウ魅ク咒ク詛ク結ク怨ク讐ク

至ハ心コ稱イ誦ム大カ悲ク咒ク

厭ウ魅ク還ク著ク於ク本ク人ク

惡ハ生ク濁ク亂ク法ク滅ク時ク

婬ウ欲ク火ク盛ク心ク迷ク倒ク

棄ス背ク妻ク壻ク外ク貪ク染ク

晝カ夜ク邪ク思ク無ク暫ク停ク

若モ能ク稱イ誦ム大カ悲ク咒ク

婬ウ欲ク火ク滅ク邪ク心ク除ク

我若廣讚咒功力 一劫稱揚無盡期

爾時，觀世音菩薩告梵天言：誦此咒五遍，取五色線作索，咒二十一遍，結作二十一結繫項。此陀羅尼是過去九十九億恆河沙諸佛所說，彼等諸佛為諸行人修行六度未滿足者，速令滿足故；未發菩提心者，速令發心故；若聲聞人未證果者，速令證故；若三千大千世界內諸神仙，未發無上菩提心者，令速發心故；若諸眾生未得大乘信根者，以此陀羅尼威神力故，令其大乘種子法芽

增長；以我方便慈悲力故，令其所須皆得成辦。
 又三千大千世界幽隱闇處三塗眾生，聞我此咒，皆得離
 苦。有諸菩薩未階初住者，速令得故，乃至令得十住地
 故，又令得到佛地故，自然成就三十二相、八十隨形好
 。若聲聞人聞此陀羅尼一經耳者，修行書寫此陀羅尼者
 ，以質直心如法而住者，四沙門果不求自得。若三千大
 千世界內，山河石壁四大海水能令涌沸，須彌山及鐵圍
 山能令搖動，又令碎如微塵，其中眾生悉令發無上菩提

心。若諸眾生現世求願者，於三七日淨持齋戒，誦此陀羅尼必果所願，從生死際至生死際，一切惡業並皆滅盡；三千大千世界內，一切諸佛菩薩、梵釋四天王、神仙龍王悉皆證知。若諸人天誦持此陀羅尼者，其人若在江河大海中沐浴，其中眾生得此人浴身之水，霑著其身，一切惡業重罪悉皆消滅，即得轉生他方淨土，蓮華化生，不受胎身濕卵之身，何況受持讀誦者。若誦持者，行於道路，大風時來吹此人身毛髮衣服，餘風下過諸類眾

生，得其人飄身風，吹著身者，一切重罪惡業並皆滅盡，更不受三惡道報，常生佛前，當知受持者福德果報不可思議。誦持此陀羅尼者，口中所出言音若善若惡，一切天魔外道天龍鬼神聞者，皆是清淨法音，皆於其人起恭敬心，尊重如佛。

誦持此陀羅尼者，當知其人即是佛身藏，九十九億恆河沙諸佛所愛惜故；當知其人即是光明身，一切如來光明照故；當知其人是慈悲藏，恆以陀羅尼救眾生故；當知

其人^シ是^ハ妙^ク法^フ藏^ト，普^ス攝^ス一^レ切^ノ諸^ノ陀^ニ羅^ニ門^ノ故^ト；當^ケ知^ス其^ノ人^ハ是^ハ禪^ト定^ト藏^ト，百^ク千^ク三^ク昧^ト常^ト現^ト前^ノ故^ト；當^ケ知^ス其^ノ人^ハ是^ハ虛^ト空^ト藏^ト，常^ト以^テ空^ト慧^ト觀^ス眾^ノ生^ノ故^ト；當^ケ知^ス其^ノ人^ハ是^ハ無^ク畏^ト藏^ト，龍^ト天^ト善^ト神^ト常^ト護^ス持^ス故^ト；當^ケ知^ス其^ノ人^ハ是^ハ妙^ク語^ト藏^ト，口^ニ中^ニ陀^ニ羅^ニ音^ト無^ク斷^ト絕^ト故^ト；當^ケ知^ス其^ノ人^ハ是^ハ常^ト住^ト藏^ト，三^ク災^ト惡^ト劫^ト不^レ能^ク壞^ト故^ト；當^ケ知^ス其^ノ人^ハ是^ハ解^ト脫^ト藏^ト，天^ト魔^ト外^ト道^ト不^レ能^ク稽^ト留^ト故^ト；當^ケ知^ス其^ノ人^ハ是^ハ藥^ト王^ト藏^ト，常^ト以^テ陀^ニ羅^ニ尼^ト療^ス眾^ノ生^ノ病^ノ故^ト；當^ケ知^ス其^ノ人^ハ是^ハ神^ト通^ト藏^ト，遊^ス諸^ノ佛^ノ國^ト得^テ自^ラ在^ス故^ト；其^ノ人^ノ功^ノ德^ト，讚^ム不^レ可^ク盡^ト。

善男子！若復有人厭世間苦，求長生樂者，在閑淨處清淨結界，咒衣著，若水若食若香若藥，皆咒一百八遍服，必得長命。若能如法結界，依法受持，一切成就。其結界法者，取刀咒二十一遍，劃地為界；或取淨水，咒二十一遍，散著四方為界；或取白芥子，咒二十一遍，擲著四方為界，或以想到處為界；或取淨灰，咒二十一遍為界；或咒五色線二十一遍，圍繞四邊為界，皆得；若能如法受持，自然剋果。若聞此陀羅尼名字者，尚滅

無量劫生死重罪，何況誦持者；若得此神咒誦者，當知其人已曾供養無量諸佛，廣種善根。若能為諸眾生拔其苦難，如法誦持者，當知其人即是具大悲者，成佛不久；所見眾生皆悉為誦，令彼耳聞與作菩提因，是人功德無量無邊，讚不可盡。

若能精誠用心身持齋戒，為一切眾生懺悔先業之罪，亦自懺謝無量劫來種種惡業，口中馭馭誦此陀羅尼聲聲不絕者，四沙門果此生即證。其利根有慧觀方便者，十地

果位剋獲不難，何況世間小小福報，所有求願無不果遂者也。若欲使鬼者，取野鬪體淨洗，於千眼像前設壇場，以種種香華飲食祭之，日日如是，七日必來現身，隨人使令。若欲使四天王者，咒檀香燒之，由此菩薩大悲願力深重故，亦為此陀羅尼威神廣大故。

佛告阿難：若有國土災難起時，是土國王若以正法治國，寬縱人物，不枉眾生，赦諸有過，七日七夜身心精進，誦持如是大悲心陀羅尼神咒，令彼國土一切災難悉皆

除滅，五穀豐登，萬姓安樂。又若為於他國怨敵數來侵
擾，百姓不安，大臣謀叛，疫氣流行，水旱不調，日月
失度，如是種種災難起時，當造千眼大悲心像，面向西
方，以種種香華幢幡寶蓋或百味飲食至心供養，其王又
能七日七夜身心精進，誦持如是陀羅尼神妙章句，外國
怨敵即自降伏，各還政治，不相擾惱，國土通同，慈心
相向，王子百官皆行忠赤，妃后嫔女孝敬向王，諸龍鬼
神擁護其國，雨澤順時，果實豐饒，人民歡樂。又若家

內遇大惡病，百怪競起，鬼神邪魔耗亂其家，惡人橫造口舌以相謀害，室家大小內外不和者，當向千眼大悲像前設其壇場，至心念觀世音菩薩，誦此陀羅尼滿其千遍，如上惡事悉皆消滅，永得安隱。

阿難白佛言：世尊！此咒名何？云何受持？佛告阿難：如是神咒有種種名：一名廣大圓滿、一名無礙大悲、一名救苦陀羅尼、一名延壽陀羅尼、一名滅惡趣陀羅尼、一名破惡業障陀羅尼、一名滿願陀羅尼、一名隨心自在

陀羅尼、一名速超上地陀羅尼，如是受持。阿難白佛言：
世尊！此菩薩摩訶薩名字何等？善能宣說如是陀羅尼
。佛言：此菩薩名觀世音自在，亦名撚索，亦名千光眼
。善男子！此觀世音菩薩不可思議威神之力，已於過去
無量劫中已作佛竟，號正法明如來。大悲願力，為欲發
起一切菩薩，安樂成熟諸眾生故，現作菩薩。汝等大衆
諸菩薩摩訶薩、梵釋龍神，皆應恭敬，莫生輕慢。一切
人天常須供養，專稱名號，得無量福，滅無量罪，命終

往生阿彌陀佛國。

佛告阿難：此觀世音菩薩所說神咒真實不虛。若欲請此

菩薩來，咒拙具羅香三七遍燒，菩薩即來。拙具羅香安息香也。

若有貓兒所著者，取弭哩吒那死貓兒頭骨也燒作灰，和淨土泥，

捻作貓兒形，於千眼像前，咒鑛鐵刀子一百八遍，段段

割之，亦一百八段，遍遍一咒，一稱彼名，即永差不著。

若為蠱毒所害者，取藥劫布羅龍腦香也，和拙具羅香，各等分

，以井華水一升，和煎取一升，於千眼像前咒一百八遍

，服フセ即シテ差ハカ。

若モト為ス惡ク蛇ヘ蠍ト所ノ螫ツ者ヲ，取ク乾ク薑ノ末ヲ，咒ス一ニ七ノ遍ヲ，著セ瘡ノ中ニ，立ツ

即シテ除ス差ハカ。

若モト為ス惡ク怨ハク橫ノ相ノ謀ノ書ヲ者ヲ，取ク淨ク土ヲ或ハ麵ヲ或ハ蠟ヲ，捻ツ作ス本ノ形ヲ，於テ

千ニ眼ノ像ノ前ニ，咒ス鑽ク鐵ク刀ヲ一ニ百ノ八ノ遍ヲ，一ニ咒ス一ニ截ス一ニ稱ス彼ノ名ヲ，燒ス

盡ク一ニ百ノ八ノ段ヲ，彼レ即シテ歡ム喜ム終ニ身ノ厚ク重ク相ノ愛ム敬ム。若モト有ス患ム眼ノ睛ノ壞ク

者ヲ，若モト青ク盲ク眼ノ暗ク者ヲ，若モト白ク暈ク赤ク膜ク無ク光ク明ク者ヲ，取ク訶ク梨ク勒ク果ヲ

、菴ノ摩ノ勒ノ果ヲ、鞞ノ醯ノ勒ノ果ヲ，三ニ種ノ各ノ一ノ顆ヲ，擣ツ破ス細ク研ス，當テ研ス

時唯須護淨，莫使新產婦人及豬狗見，口中念佛，以白蜜若人乳汁，和封眼中，著其人乳要須男孩子母乳，女母乳不成，其藥和竟，還須千眼像前咒一千八遍，著眼中滿七日，在深室慎風，眼睛還生，青盲白暈者，光奇盛也。

若患瘡病著者，取虎豹豺狼皮，咒三七遍，披著身上即差，師子皮最上。
若被蛇螫，取被螫人結臍，咒三七遍，著瘡中即差。

若患惡瘡入心悶絕欲死者，取桃膠一顆，大小亦如桃顆，清水一升和煎取半升，咒七遍，頓服盡即差，其藥莫使婦人煎。

若患傳屍鬼氣伏屍連病者，取拙具羅香，咒三七遍，燒熏鼻孔中，又取七丸如兔糞，咒三七遍，吞即差，慎酒肉五辛及惡罵。

若取摩那屎羅雄黃是也和白芥子印成鹽，咒三七遍，於病兒床下燒，其作病兒即魔掣迸走不敢住也。

若患耳聾者，咒胡麻油，著耳中即差。

若患一邊偏風，耳鼻不通，手脚不隨者，取胡麻油煎青

木香，咒三七遍，摩拭身上，永得除差。又方取純牛酥

，咒三七遍，摩亦差。

若患難產者，取胡麻油，咒三七遍，摩產婦臍中及玉門

中即易生。

若婦人懷妊，子死腹中，取阿波末利伽草牛膝草也一大兩，清

水二升和煎取一升，咒三七遍，服即出一無苦痛。胎衣

不出者，亦服此藥即差。

若卒患心痛不可忍者，名遁屍症。取君柱魯香薰陸乳頭成

者一顆，咒三七遍，口中嚼咽不限多少，令變吐即差，

慎五辛酒肉。

若被火燒瘡，取熱瞿摩夷鳥牛屎也，咒三七遍，塗瘡上即差。

若患蛔蟲齧心，取骨魯末白馬屎也遮半升，咒三七遍，服即差

，重者一升，蟲如緜索出來。

若患疔瘡者，取凌鎖葉擣取汁，咒三七遍，瀝著瘡上即

拔根出立差。

若患蠅螫眼中，骨魯怛佉新驢屎也濾取汁，咒三七遍，夜臥著

眼中即差。

若患腹中痛，和井華水，和印成鹽三七顆，咒三七遍，

服半升即差。

若患赤眼者，及眼中有努肉及有翳者，取奢奢彌葉枸杞葉也，

搗濾取汁，咒三七遍，浸青錢一宿，更咒七遍，著眼中

即差。

若患畏夜不安恐怖，出入驚怕者，取白線作索，咒三七遍，作二十一結繫項，恐怖即除，非但除怖，亦得滅罪。

若家內橫起災難者，取石榴枝，寸截一千八段，兩頭塗酥酪蜜，一咒一燒，盡千八遍，一切災難悉皆除滅，要在佛前作之。

若取白菖蒲，咒三七遍，繫著右臂上，一切鬥處論義處皆得勝他。

若取奢奢彌葉枝柯寸截，兩頭塗真牛酥白蜜牛酥，一咒
一燒，盡一千八段，日別三時，時別一千八遍，滿七日
，咒師自悟通智也。

若欲降伏大力鬼神者，取阿唎瑟迦柴木患子也，咒七七遍，火

中燒，還須塗酥酪蜜，要須於大悲心像前作之。

若取胡噓遮那牛黃是也一大兩，著琉璃瓶中，置大悲心像前，

咒一百八遍，塗身點額，一切天、龍、鬼、神、人及非

人皆悉歡喜也。

若有身被枷鎖者，取白鴿糞，咒一百八遍，塗於手上用摩枷鎖，枷鎖自脫也。

若有夫婦不和，狀如水火者，取鴛鴦尾，於大悲心像前，咒一千八遍，帶彼即終身歡喜相愛敬。

若有被蟲食田苗及五果子者，取淨灰淨沙或淨水，咒三七遍，散田苗，四邊蟲即退散也。果樹兼咒水灑者，樹上蟲不敢食果也。

佛告阿難：

若為富饒種種珍寶資具者，當於如意珠手。

若為種種不安求安隱者，當於羂索手。

若為腹中諸病者，當於寶鉢手。

若為降伏一切魍魎鬼神者，當於寶劍手。

若為降伏一切天魔神者，當於跋折羅手。

若為摧伏一切怨敵者，當於金剛杵手。

若為一切處怖畏不安者，當於施無畏手。

若為眼闇無光明者，當於日精摩尼手。

若為熱毒病求清涼者，當於月精摩尼手。

若為榮官益職者，當於寶弓手。

若為諸善朋友早相逢者，當於寶箭手。

若為身上種種病者，當於楊枝手。

若為除身上惡障難者，當於白拂手。

若為一切善和眷屬者，當於胡瓶手。

若為辟除一切虎狼豺豹諸惡獸者，當於旁牌手。

若為一切時處好離官難者，當於斧鉞手。

若為男女僕使者，當於玉環手。

若為種種功德者，當於白蓮華手。

若為欲得往生十方淨土者，當於青蓮華手。

若為大智慧者，當於寶鏡手。

若為面見十方一切諸佛者，當於紫蓮華手。

若為地中伏藏者，當於寶篋手。

若為仙道者，當於五色雲手。

若為生梵天者，當於軍遲手。

若為往生諸天宮者，當於紅蓮華手。

若為辟除他方逆賊者，當於寶戟手。

若為招呼一切諸天善神者，當於寶螺手。

若為使令一切鬼神者，當於觸髀杖手。

若為十方諸佛速來授手者，當於數珠手。

若為成就一切上妙梵音聲者，當於寶鐸手。

若為口業辭辯巧妙者，當於寶印手。

若為善神龍王常來擁護者，當於俱尸鐵鉤手。

若為慈悲覆護一切眾生者，當於錫杖手。

若為一切眾生常相恭敬愛念者，當於合掌手。

若為生生之眾不離諸佛邊者，當於化佛手。

若為生生世世常在佛宮殿中，不處胎藏中受身者，當於

化宮殿手。

若為多聞廣學者，當於寶經手。

若為從今身至佛身，菩提心常不退轉者，當於不退金輪

手。

若為十方諸佛速來摩頂授記者，當於頂上化佛手。

若為果蓏諸穀稼者，當於蒲萄手。

如是可求之法有其千條，今粗略說少耳。

日光菩薩為受持大悲心陀羅尼者，說大神咒而擁護之：

南無勃陀瞿上聲那上聲迷一南無達摩莫訶低二南無僧伽多夜

泥三底丁以切哩部畢薩僧沒切咄登沒切檐納摩

誦此咒，滅一切罪，亦能辟魔及除天災；若誦一遍，禮

佛一拜，如是日別三時，誦咒禮佛，未來之世所受身處

，當得一相貌端正可喜果報。

月光菩薩亦復為諸行人，說陀羅尼咒而擁護之：

深低帝屠蘇吒一阿若蜜帝烏都吒二深耆吒三波賴帝四耶彌
若吒烏都吒五拘羅帝吒耆摩吒六娑婆訶

誦此咒五遍，取五色線作咒索，痛處繫，此咒乃是過去
四十恆河沙諸佛所說，我今亦說，為諸行人作擁護故，
除一切障難故，除一切惡病痛故，成就一切諸善法故，
遠離一切諸怖畏故。

佛告阿難：汝當深心清淨受持此陀羅尼，廣宣流布於閻
浮提，莫令斷絕。此陀羅尼能大利益三界眾生，一切患
苦縈身者，以此陀羅尼治之，無有不差者。此大神咒，
咒乾枯樹，尚得生枝柯華果，何況有情有識眾生身有病
患，治之不差者，必無是處。
善男子！此陀羅尼威神之力，不可思議！不可思議！歎
莫能盡。若不過去久遠已來廣種善根，乃至名字不可得
聞，何況得見。汝等大眾天、人、龍、神聞我讚歎，皆

應隨喜。若有謗此咒者，即為謗彼九十九億恆河沙諸佛。
。若於此陀羅尼生疑不信者，當知其人永失大利，百千萬劫常淪惡趣，無有出期，常不見佛，不聞法，不覩僧。
。一切眾會菩薩摩訶薩、金剛密跡、梵釋四天龍鬼神，聞佛如來讚歎此陀羅尼，皆悉歡喜，奉教修行。

千手千眼觀世音菩薩廣大圓滿無礙大悲心陀羅尼經終

（本文出自大正新脩大藏經第二十卷
密教部三第一〇六頁至第一一一頁）

1 如意寶珠手



- ◇ 密法摩尼部八手之一，為增益法。
- ◇ 咒文第⑤句云：「摩羅摩羅」，譯義為「內外無垢」，即為大悲手相「如意寶珠手眼。」
- ◇ 大悲心陀羅尼經第⑩手相云：「若為富饒種種功德資具者，當於如意寶珠手。」

◇ 千光眼觀自在菩薩秘密法經第①手印相云：「若人欲得富饒財寶者，應修摩尼法如意珠之手也……。令與願觀自在菩薩者，左手當心持摩尼，其珠吠瑠璃色，黃光發焰也，右手與願契屈臂向上，如是畫像已安置清淨之處，禮拜供養作念誦法。其印相二手堅固縛，進力摩尼形，禪智並申立，即成就。真言曰：

唵嚩日羅達磨（金剛法）振多摩拏（如意珠）入嚩羅（光明）嚩羅泥（與願）娑嚩賀。」



2 縑索手

◇ 密法如來部八手之二，為息災法。

◇ 咒文第⑥⑩、⑥⑪、⑥⑫、⑥⑬四句云：「那囉謹墀 娑婆訶 摩囉那囉 娑婆訶」，譯義為「賢愛成就」，即為大悲手相「縑索手眼。」

◇ 大悲心陀羅尼經第③②手相云：「若為種種不安求安隱者，當於縑索手。」

◇ 千光眼觀自在菩薩秘密法經第②手印相云：「若人欲得安隱者，當修縑索法。其持索觀自在菩薩像，相好威光如上所說，唯右手作拳安右腰，左手屈臂握縑索，畫像已。其印相作未敷蓮印，進力柱如環，此名蓮華索能滿諸意願。真言曰：


唵 嚩 日 羅 達 磨 鉢 娜 麼 播 捨 (蓮華索) 吽 (遍義) 地 瑟 吒 (守護加持) 薩 網 摩 訶 (於我) 娑 縛 賀。」

3 寶鉢手

◇密法金剛部八手之六，為調伏法。

◇咒文第④句云：「呼嚧呼嚧醯利」，譯義為「作法自在」，即為大悲手相「寶鉢手眼。」

◇大悲心陀羅尼經第③③手相云：「若為腹中諸病苦者，當於寶鉢手。」



◇千光眼觀自在菩薩秘密法經第③手印相云：「若人欲療腹中病者，可修寶鉢法。當畫寶鉢觀自在菩薩像，其像相好莊嚴如先說，但二手當齊上持寶鉢，即成已。其印相理智入定印。真言曰：

唵嚩日羅達磨（金剛法）阿嚩娜羅輸藍（無腹中病）娑縛賀。」



4 寶劍手

◇密法金剛部八手之三，為調伏法。

◇咒文第⑤⑩句云：「地唎瑟尼那」，譯義為「堅利」，即為大悲手相「寶劍手眼。」

◇大悲心陀羅尼經第⑮手相云：「若為降伏一切魍魎鬼神者，當於寶劍手。」

◇千光眼觀自在菩薩秘密法經第④手相云：「若欲降伏魍魎鬼神者，應修寶劍法。其寶劍觀自在像，莊嚴相好如上無異，唯右手執劍令豎，左手當腰上，以大指押地水甲，火風並豎，其印向身安之，畫像已。印相右手大指押地水甲，火風並豎即成，左轉三匝。真言曰：

唵嚩日羅達磨 竭誡（劍也） 薩嚩藍羅訶（一切鬼也） 薩娑吒（破壞） 娑嚩賀。」

5 跋折羅手

◇密法金剛部八手之一，為調伏法。

◇咒文第⑧、⑨二句云：「者吉囉阿悉陀夜 娑婆訶」，譯義為「無比成就」，即為大悲手相「跋折羅手眼。」

◇大悲心陀羅尼經第⑩手相云：「若為降伏一切天魔神者，當於跋折羅手。」

◇千光眼觀自在菩薩秘密法經第⑤手印相云：「若卻降伏大魔神者，當修縛日囉法。其金剛觀自在像，相好威光如前所說，但右手執三鈷杵，當右左手作拳安腰，畫像已。印相右手大指押同小指甲，餘指如縛日羅形，左轉三匝。真言曰：

唵絃哩（入種子）縛日羅婆拏（執金剛）摩羅鉢羅摩唎夜（護魔）娑縛賀。」



6 金剛杵手

◇密法金剛部八手之二，為調伏法。

◇咒文第④句云：「娑囉娑囉」，譯義為「堅固力」，即為大悲手相「金剛杵手眼」。

◇大悲心陀羅尼經第⑩手相云：「若為摧伏一切怨敵者，當於金剛杵手。」



◇千光眼觀自在菩薩秘密法經第⑥手印相云：「若人為摧怨敵者，應修金剛杵

法獨結金剛

，其持杵觀自在菩薩像，相好莊嚴如上所說，唯左手作拳安腰，右手

執獨結杵當，左肩如打勢，畫像已。其印相右手作拳舒頭指，以印作破碎勢。真言曰：

唵絃哩（入種子）縛日羅播摩（執金剛）薩嚩設咄嚩（一切怨敵於加）娑破吒也（破壞）娑嚩
賀。」

7 施無畏手

◇密法如來部八手之三，為息災法。

◇咒文第⑫、⑬二句云：「那囉謹墀皤伽囉哪 娑婆訶」，譯義為「光明自在成就」，即為大悲手相「施無畏手眼。」

◇大悲心陀羅尼經第②手相云：「若為一切時一切處怖畏不安者，當於施無畏手。」

◇千光眼觀自在菩薩秘密法經第⑦手印相云：「若欲離怖畏者，當修施無畏法。其餘怖觀自在菩薩，相好威光如前無異，唯舒右手垂五指現掌，左手舒五指，舉當左乳上現掌，畫像已。其印相如畫像手印相。真言曰：

唵縛日羅達磨 薩嚩他（遍也）爾那爾那（勝能勝義）佩野曩奢那（除恐怖）娑嚩賀。」





8 日精摩尼手

◇密法金剛部八手之七，為調伏法。

◇咒文第⑫句云：「室佛囉耶」，譯義為「放光」，即為大悲手相「日精摩尼手眼。」

◇大悲心陀羅尼經第③手相云：「若為眼闇無光明者，當於日精摩尼手。」

◇千光眼觀自在菩薩秘密法經第⑧手印相云：「若人欲眼闇求光明者，可修日摩尼法。其日精觀自在菩薩像，相好莊嚴如上說，唯左手拳上持火頗胝（此云日精也），右手當心仰掌，畫像竟。其印相舉定手，作受日輪勢，觀我眼中有^ㄨ字（右左）若欲得天眼者，觀自眉間有一目。誦真言曰：

唵囉日羅達摩 阿儂地耶（目）入囉羅（光明）儂乞葛（眼也）娑囉訶。」

9 月精摩尼手

◇密法金剛部八手之八，為調伏法。

◇咒文第⑳句之一云：「度盧度盧」，譯義為「明淨」，即為大悲手相「月精摩尼手眼。」

◇大悲心陀羅尼經第④手相云：「若為患熱毒病求清涼者，當於月精摩尼手。」



◇千光眼觀自在菩薩秘密法經第⑨手印相云：「若欲消除一切熱惱者，應修月摩尼法。其月精觀自在像，相好莊嚴如上所說，唯右手拳持水頗胝，左手舒五指作摩身勢，畫像已。其印相如像手印。真言曰：

唵嚩日羅達摩 戰陀耶（月）薩嚩娜賀鉢羅捨弭（除一切熱惱）娑嚩賀。」

10 寶弓手

◆ 密法摩尼部八手之二，為增益法。

◆ 咒文第⑳句云：「罰沙罰嗔」，譯義為「歡語」，即為大悲手相「寶弓手眼。」

◆ 大悲心陀羅尼經第⑤手相云：「若為榮官益職求仕官者，當於寶弓手。」



◆ 千光眼觀自在菩薩秘密法經第⑩手印相云：「若人欲增榮官職者，當修寶弓法。其持寶弓觀自在像，相好威光如前說，但定惠手持橫弓，作計由旬數勢，畫像已。印相作金剛合掌。誦真言曰：

唵嚩日羅達磨 建吒馱努沙 (三) 阿鉢羅底訶多耶 (無障礙) 三摩地娑嚩賀。」

11 寶箭手



- ◇ 密法羯磨部八手之五，為鈎召法。
- ◇ 咒文第⑤、⑥二句云：「波夜摩那 娑婆訶」，譯義為「名聞成就」，即為大悲手相「寶箭手眼。」
- ◇ 大悲心陀羅尼經第⑥手相云：「若為諸善朋友早相逢遇者，當於寶箭手。」

◇ 千光眼觀自在菩薩秘密法經第⑪手印相云：「若人欲得善友者，當修寶箭法。其速值觀自在像，相好莊嚴如前無異，唯右手持箭首，以箭尻置左手，畫像已。其印相右手作拳，散立頭指中指，以印作招勢。真言曰：

唵嚩日羅達磨 羅怛那劍努（寶箭）曼殊（妙音）薩怛婆（衆生）曳醯曳呬（速來）羅我（愛染）娑嚩訶。」

12
楊枝手



◇密法如來部八手之八，為息災法。


◇咒文第③⑤云：「穆帝囉」，譯義為「解脫」，即為大悲手相「楊枝手眼」。

◇大悲心陀羅尼經第⑧手相云：「若為身上種種病難者，當於楊枝手。」

◇千光眼觀自在菩薩秘密法經第⑫手印相云：「若欲消除身上眾病者，當修楊柳枝藥法。其藥王觀自在像，相好莊嚴如前所說，唯右手執楊柳枝，左手當左乳上顯掌，畫像已。印相右手屈臂，諸指散垂，誦真言已摩身上。真言曰：

唵嚩日羅達磨（金剛法）陞殺（上）爾耶（藥也）羅惹耶（王）娑嚩賀。」

13
白拂手



◇ 密法如來部八手之四，為息災法。

◇ 咒文第⑳句之一云：「摩摩」，譯義為「達於至善」，即為大悲手相「白拂手眼。」

◇ 大悲心陀羅尼經第⑨手相云：「若為除滅一切惡障難者，當於白拂手。」

◇ 千光眼觀自在菩薩秘密法經第⑬手印相云：「若欲解脫一切障難者，當修白拂法。其拂難觀自在像，及莊嚴等如前無異，但右手屈臂向掌外，左手持白拂，畫像已。印相左手屈臂，諸指垂下，誦咒左轉。真言曰：

唵嚩日羅達磨 戍迦羅嚩囉弼也制曩（白拂） 薩嚩魔羅娑耶（一切障難） 尾目吃底（解脫） 娑嚩訶。」

14
寶瓶手



◇密法蓮華部八手之五，為敬愛法。

◇咒文第④⑨句云：「那囉謹墀」，譯義為「大悲」，即為大悲手相「寶瓶手眼」。

◇大悲心陀羅尼經第⑩手相云：「若為一切善和眷屬者，當於寶瓶手。」

◇千光眼觀自在菩薩秘密法經第⑭手印相云：「若求善和眷屬者，當修胡瓶法。其持瓶觀自在像，相好威光如上說，唯右手執胡瓶，其瓶首如金翅鳥也，左手當齊上，向上受胡瓶勢，畫像已。其印相作未敷蓮印，二空開立，指頭相合，真言曰：

唵嚩日羅達磨（金剛法）摩賀昧怛哩（大慈）網娑嚩（發生）娑嚩賀。」

15 傍牌手



- ◊ 密法如來部八手之五，為息災法。
- ◊ 咒文第⑳句之二云：「罰闍耶帝」，譯義為「度生死」，即為大悲手相「傍牌手眼。」
- ◊ 大悲心陀羅尼經第㉑手相云：「若為辟除一切虎狼諸惡獸者，當於傍牌手。」

◊ 千光眼觀自在菩薩秘密法經第⑮手印相云：「若欲辟除一切惡獸者，當修傍牌法。其現怒觀自在菩薩像，相好莊嚴如先說，唯左手向外持傍牌形，右手作拳印，畫像已。其印相左手向外舒，諸指旋轉，右手作拳打他勢。真言曰：

唵 嚩 日 羅 達 磨 (金剛法) 薩 嚩 沒 哩 始 止 迦 薩 跋 曩 俱 羅 (蝎蛇及鼠狼等) 思 孕 賀 (師子) 尾
 也 伽 羅 (大蟲) 哩 乞 沙 (豬熊) 哆 羅 里 乞 沙 (熊) 遮 末 羅 爾 尾 鞞 (摩竭魚等) 吽 (念恐怖) 發
 吒 (破壞) 娑 嚩 賀。」

16
鉞斧手



◇密法如來部八手之六，為息災法。

◇咒文第④、⑤二句云：「悉囉僧阿穆佉耶 娑婆訶」，譯義為「福德成就」，即為大悲手相「鉞斧手眼。」

◇大悲心陀羅尼經第⑫手相云：「若為一切時一切處離官難者，當於鉞斧手。」

◇千光眼觀自在菩薩秘密法經第⑯手印相云：「若人欲離官難者，應修鉞斧法。其鎮難觀自在菩薩像，相好莊嚴如先無異，但右手持鉞斧，左手作拳安腰，畫像已。印相屈右手如斧勢，以印迴轉。真言曰：

唵嚩日羅達磨（金剛法）跋羅戊（鉞斧）囉惹婆耶（王難）尾目乞底（解脫）娑嚩賀。」

17 玉環手



◇密法蓮華部八手之四，為敬愛法。
◇咒文第④句云：「呼嚧呼嚧摩囉」，譯義為「作法如意」，即為大悲手相「玉環手眼。」
◇大悲心陀羅尼經第③④手相云：「若為男女及諸僕使者，當於玉環手。」

◇千光眼觀自在菩薩秘密法經第⑰手印相云：「若求男女僕使者，須行玉環法。其持環觀自在菩薩像，相好威光如先所說，但左手當心持玉環，右手覆於玉環上如蓋，畫像已。印相以左手握右腕，亦以右手握左腕，是左表女右表男。真言曰：

唵嚩日羅達磨（金剛法）尾灑野（境界）獵馱（獲得）娑嚩賀。」

18 白蓮華手



◇密法摩尼部八手之四，為增益法。

◇咒文第⑳句之二云：「羯蒙」，譯義為「辦事」，即為大悲手相「白蓮華手眼。」

◇大悲心陀羅尼經第㉑手相云：「若為種種功德者，當於白蓮華手。」

◇千光眼觀自在菩薩秘密法經第㉒手印相云：「若欲成就功德者，當修白蓮法。其分荼利觀自在菩薩像，相好莊嚴如上說，唯左手執白蓮華，右手說法印，畫像已。印相作開敷蓮印。真言曰：

唵嚩日羅達磨 參婆吠鉢娜磨（白華）尼履儻（入為華鬘以莊嚴法身）娑嚩賀。」

19 青蓮華手



- ◇ 密法摩尼部八手之五，為增益法。
- ◇ 咒文第②⑥句之二云：「唎馱孕」，譯義為「蓮華心」，即為大悲手相「青蓮華心眼」。
- ◇ 大悲心陀羅尼經第②⑩手相云：「若為求生十方淨土者，當於青蓮華手。」

◇ 千光眼觀自在菩薩秘密法經第⑩手印相云：「若欲往生十方淨土者，當修青蓮法。其見佛觀自在像，相好威光如前無異，但右手執青蓮華，左手當右乳上顯掌，畫像已。印相作蓮華，合散如開花勢。真言曰：

唵嚩日羅達磨 顛羅鉢納麼（青蓮） 唵薩路（生） 勃馱尾灑愜（佛國） 娑嚩賀。」

20 寶鏡手

◇密法蓮華部八手之二，為敬愛法。

◇咒文第⑳句云：「室那室那」，譯義為「大智」，即為大悲手相「寶鏡手眼。」

◇大悲心陀羅尼經第㉑手相云：「若為成就廣大智惠者，當於寶鏡手。」



◇千光眼觀自在菩薩秘密法經第㉒手印相云：「若人求智惠者，應修寶鏡法。其鏡智觀自在菩薩像，相好威光如上所說，唯左手當心持寶鏡向外，右手作智拳印，畫像已。其印相右拳安腰，左手開舒舉面前見此印，想見大圓鏡智。真言曰：

唵嚩日羅達磨 薩嚩悉地（成就一切）摩訶枳孃曩（大智惠）娑嚩賀。」

21 紫蓮華手

◇密法摩尼部八手之七，為增益法。

◇咒文第④句云：「佛羅舍耶」，譯義為「平和」，即為大悲手相「紫蓮華手眼。」

◇大悲心陀羅尼經第②手相云：「若為面見一切十方諸佛者，當於紫蓮華手。」



◇千光眼觀自在菩薩秘密法經第②手印相云：「若人欲見諸如來者，當修紫蓮法。其見蓮觀自在像，相好莊嚴如上所說，但右手執紫蓮華，左手當心向上，畫像已。印相作蓮華合掌，如開花勢散之。真言曰：

唵嚩日羅達磨 乳耄羅娑納納麼（紫蓮華） 薩嚩勃馱（一切佛） 枳攘曩（知也） 娑乞藝
毘耶（見也） 娑嚩賀。」

22 寶篋手

◇密法羯磨部八手之六，為鈎召法。

◇咒文第⑤⑦、⑤⑧、⑤⑨三句云：「悉陀喻藝 室幡囉耶 娑婆訶」，譯義為「利益成就」，即為大悲手相「寶篋手眼」。

◇大悲心陀羅尼經第②⑦手相云：「若為求地中種種伏藏者，當於寶篋手。」

◇千光眼觀自在菩薩秘密法經第②②手印相云：「若欲見地中伏藏者，應修寶篋法。其見隱觀自在像，相好威光如上所說，唯左手置寶篋，右手作開篋蓋勢，畫像已。印相仰左手，以右手覆左上手上，誦真言已，而後開見散之。真言曰：

唵嚩日羅達磨（金剛法） 斫具數（本眼也） 伽陀耶（開也） 阿鉢羅底訶哆耶（無障礙） 娑嚩
賀。」



23 五色雲手



◇密法羯磨部八手之八，為鈎召法。
◇咒文第②⑥句之一云：「摩醯摩醯」，譯義為「大自在」，即為大悲手相「五色雲手眼。」
◇大悲心陀羅尼經第②⑧手相云：「若為速成就佛道者，當於五色雲手。」

◇千光眼觀自在菩薩秘密法經第②③手印相云：「若人為成就仙法者，當修五色雲法。其仙雲觀自在菩薩像，相好莊嚴如前說，但右手持五色雲，左手舉上握所著天衣端，畫像已。其印相左右手為羽勢作飛相。真言曰：

唵嚩日羅達磨 半者路婆銘伽（五色雲）悉馱尾地也馱羅南（成就明仙者）娑嚩賀

於山窟寂處作念誦法，滿一萬八千遍已得仙果。

24 軍持手

◇密法蓮華部八手之六，為敬愛法。

◇咒文第⑩句云：「陀羅陀羅」，譯義為「能總印持」，即為大悲手相「軍持手眼。」

◇大悲心陀羅尼經第⑦手相云：「若為求生諸梵天上者，當於軍持手。」



◇千光眼觀自在菩薩秘密法經第②手印相云：「若人欲生梵天者，應修軍持法。其禪定觀自在像，相好莊嚴如先所說，唯左手執軍持，右手作思惟相，立右膝以右臂置膝上，以手掌安頰及眉間是也，畫像已。印相蓮華合掌合腕。真言曰：

唵囉日羅達磨 娑嚩娑嚩 (自性) 沒羅訶摩拏提婆 (梵天) 娑嚩賀。」

25
紅蓮華手



◇密法蓮華部八手之七，為敬愛法。


◇咒文第⑦⑩、⑦⑪二句云：「波陀摩羯悉陀夜 娑婆訶」，譯義為「善勝成就」，即為大悲手相「紅蓮華手眼。」

◇大悲心陀羅尼經第⑫手相云：「若為求生諸天宮者，當於紅蓮華手。」

◇千光眼觀自在菩薩秘密法經第⑮手印相云：「若人欲生諸天宮殿者作紅蓮法。其天花觀自在像，相好威光如上所說，唯左手執蓮華，右手屈臂而指天上，畫像已。其印相作開敷蓮華印，舉上作擲勢散之。真言曰：

唵嚩日羅達磨 矩索薩婆鉢納麼（紅蓮） 薩嚩提婆唵夔多（生一切天） 娑嚩訶。」

26 寶戟手



◇密法如來部八手之七，為息災法。

◇咒文第²⁹句云：「摩訶罰闍耶帝」，譯義為「勝大
法道」，即為大悲手相「寶戟手眼。」

◇大悲心陀羅尼經第²⁹手相云：「若為辟除他方逆賊
怨敵者，當於寶戟手。」

◇千光眼觀自在菩薩秘密法經第²⁶手印相云：「若人為攝縛一切逆賊者，當修
戟鞘法。其破賊觀自在菩薩像，相好莊嚴如前無異，但左手舉上執戟鞘長
等身，右手開散押右腰，畫像已。其印相左手作三鈷印舉上振之，右拳安
腰。真言曰：

唵嚩日羅達磨 阿尾捨（攝縛） 主羅婆耶（賊難） 吽發吒娑嚩賀。」

27 寶螺手



◇密法羯磨部八手之四，為鈎召法。
◇咒文第⑳句之一云：「俱盧俱盧」，譯義為「作法」，即為大悲手相「寶螺手眼」。
◇大悲心陀羅尼經第㉑手相云：「若為召呼一切諸天善神者，當於寶螺手。」

◇千光眼觀自在菩薩秘密法經第㉒手印相云：「若為召呼一切善神乞守護者，當修寶螺法。其持螺觀自在像，相好莊嚴如先宣說，但左手臂持寶螺，右手作拳舒屈風指作招勢，畫像已。其印相二手虛心合，屈二風指，各絞二大指背，二空各二頭中指間出之，以口為吹之勢。真言曰：

唵嚩日羅達磨 摩訶達摩訶哩（大法音）暗（遍滿）薩嚩提婆曩誡（一切天龍）藥乞叉曳
醯曳吧（速來）囉乞叉囉乞叉給（擁護）娑嚩訶。」

28 髑髏寶杖手



◇密法羯磨部八手之七，為鈎召法。

◇咒文第③⑥句云：「伊醯移醯」，譯義為「順教」，即為大悲手相「髑髏寶杖手眼。」

◇大悲心陀羅尼經第⑬手相云：「若為使令一切鬼神，不相違拒者，當於髑髏寶杖手。」

◇千光眼觀自在菩薩秘密法經第⑳手印相云：「若人欲使令一切鬼神者，當作髑髏法。其縛鬼觀自在菩薩像，相好莊嚴如前所說，唯右手執髑髏杖，左拳安腰，畫像已。其印相左拳安腰，右手屈臂舉上作金剛拳，以印作召勢。真言曰：

唵嚩日羅達磨 努史也磨薩頗馱囉（死人頭）薩嚩薩羅訶（一切鬼）阿吠捨（攝縛）娑嚩訶。」

29 數珠手



- ◇ 密法羯磨部八手之三，為鈎召法。
- ◇ 咒文第③⑧句之二云：「佛囉舍利」，譯義為「覺身子」，即為大悲手相「數珠手眼。」
- ◇ 大悲心陀羅尼經第⑭手相云：「若為十方諸佛速來授手者，當於數珠手。」

◇ 千光眼觀自在菩薩秘密法經第⑦手印相云：「若為諸佛來授手者，應修數珠法。其念珠觀自在菩薩像，相好莊嚴如上所說，但右手捻數珠，左手當膝如摩勢，畫像已。其印相左右手取所持念珠，頂戴三度，歸命相。真言曰：

唵囉日羅達磨 薩囉怛他夔多 (引一切如來) 入囉羅 (光明) 布惹 (手) 母捺羅唵 (印我) 娑囉賀。」

30 寶鐸手



◇密法摩尼部八手之六，為增益法。

◇咒文第③③句云：「遮羅遮羅」，譯義為「行動」，即為大悲手相「寶鐸手眼。」

◇大悲心陀羅尼經第⑤⑤手相云：「若為成就一切上妙梵音聲者，當於寶鐸手。」

◇千光眼觀自在菩薩秘密法經第③⑩手印相云：「若欲成就上妙梵音者，須作寶鐸法。其法音觀自在像，相好威光如上說，但左手持寶金剛鈴，右手作拳安腰，畫像已。其印相以二大指入掌內三搖之。真言曰：

唵嚩日羅達磨（金剛法） 吠捨斛（鈴喜義） 悉默沒羅訶磨吃哩（梵音成就） 阿乞叉羅（無盡）娑嚩訶。」

31 寶印手



- ◇ 密法蓮華部八手之三，為敬愛法。
- ◇ 咒文第②④句云：「薩婆薩婆」，譯義為「一切利樂」，即為大悲手相「寶印手眼。」
- ◇ 大悲心陀羅尼經第②④手相云：「若為成就口辯言辭巧妙者，當於寶印手。」

◇ 千光眼觀自在菩薩秘密法經第③①手印相云：「若欲成就妙辨才者，當作寶印法。其智印觀自在菩薩像，相好莊嚴如上無異，唯右手當心持寶印形，左手作拳安腰，畫像已。其印相以右手印於心上。真言曰：

唵嚩日羅達磨 枳壤曩母捺羅（智印） 尼濕嚩曩（種種法也） 摩護那也（大廣也） 娑嚩
賀。」

32 俱尸鐵鉤手



◇密法羯磨部八手之一，為鈎召法。

◇咒文第⑪句云：「地利尼」，譯義為「遮持不善」，即為大悲手相「俱尸鐵鉤手眼。」

◇大悲心陀羅尼經第⑰手相云：「若為善神龍王常來擁護者，當於俱尸鐵鉤手。」

◇千光眼觀自在菩薩秘密法經第⑳手印相云：「若為龍天善神來加護者，作鐵鈎法。是鈎召觀自在菩薩像，相好莊嚴如上所說，唯左手持鈎，右手作拳安腰，畫像已。其印相在手作拳，立頭指如鈎形而招之。真言曰：

唵嚩日羅達磨（金剛法）俱奢弱（鈎召）薩嚩提吠曩藝（二切天龍）囉乞叉給（擁護）娑嚩賀。」

33 錫杖手



- ◇ 密法蓮華部八手之八，為敬愛法。
- ◇ 咒文第④⑧句云：「彌帝利夜」，譯義為「大慈」，即為大悲手相「錫杖手眼」。
- ◇ 大悲心陀羅尼經第⑱手相云：「若為慈悲覆護一切眾生者，當於錫杖手。」
- ◇ 千光眼觀自在菩薩秘密法經第③③手印相云：「若人求慈悲心者，作錫杖法。其慈杖觀自在菩薩像，相好莊嚴如上所說，但右手執錫杖，左手當齊向上，畫像已。印相二手內縛豎火輪，圓滿如錫杖形。真言曰：

唵嚩日羅達磨（金剛法）三昧耶（本誓）摩訶迦盧拏迦（具大悲心）娑嚩訶。」

34
合掌手



◇密法蓮華部八手之一，為敬愛法。

◇咒文第④句云：「悉利悉利」，譯義為「殊勝吉祥」，即為大悲手相「合掌手眼」。

◇大悲心陀羅尼經第⑫手相云：「若為令一切鬼神龍蛇虎狼師子人及非人常相恭敬愛念者，當於合掌

手。」

◇千光眼觀自在菩薩秘密法經第③④手印相云：「若人求人愛者，當修合掌法。

其現敬觀自在菩薩像，相好莊嚴如前無異，唯二手當心作蓮華合掌，像成已。其印相如像手印。真言曰：

唵嚩日羅達磨（金剛法）悉馱嚩施迦羅（成就歡愛）娑嚩訶。

35
化佛手



◇密法如來部八手之一，為息災法。
◇咒文第③⑧句之一云：「阿囉嚩」，譯義為「於法自在」，即為大悲手相「化佛手眼。」
◇大悲心陀羅尼經第③⑦手相云：「若為生生之處不離諸佛邊者，當於化佛手。」

◇千光眼觀自在菩薩秘密法經第⑤手印相云：「若人欲不離諸佛邊者，可修化佛法。其不離觀自在像，相好莊嚴如上說，唯左手掌上安置化佛，右手繫於化佛座，畫像已。印相二手作虛合。真言曰：

唵嚩日羅達磨（金剛法）悉馱波羅蜜多（成就到彼岸）娑嚩賀。」

36
化宮殿手



- ◇密法金剛部八手之四，為調伏法。
- ◇咒文第③④句之二云：「罰摩囉」，譯義為「最勝離垢」，即為大悲手相「化宮殿手眼。」
- ◇大悲心陀羅尼經第③⑧手相云：「若為生生世世常在佛宮殿中，不處胎藏中受身者，當於化宮殿手。」

◇千光眼觀自在菩薩秘密法經第③⑩手印相云：「若欲不處胞胎身者，須作宮殿法。其大勢觀自在像，相好威光如先所說，但左手持宮殿形，右手屈臂向外顯掌，畫像已。其印相二手內縛立二中指，屈如殿形。真言曰：

唵嚩日羅達磨（金剛法）薩嚩播野若賀野（滅一切惡趣）娑嚩賀。」

37 寶經手



◇ 密法摩尼部八手之三，為增益法。
◇ 咒文第⁵³、⁵⁴、⁵⁵、⁵⁶四句云：「悉陀夜 娑婆訶
摩訶悉陀夜 娑婆訶」，譯義為「智慧成就」，即
為大悲手相「寶經手眼。」

◇ 大悲心陀羅尼經第³⁹手相云：「若為聰明多聞廣學
不忘者，當於寶經手。」

◇ 千光眼觀自在菩薩秘密法經第³⁷手印相云：「若人求多聞者，當修般若經法
是寶經也。其般若觀自在像，相好莊嚴如上說，唯右手當心，持智印出生般若理
趣經，左手作拳印，像成已。其印相用梵夾印。真言曰：

唵嚩日羅達磨 鉢羅若（智慧）素怛藍（經也）摩訶那也（大廣也）娑嚩賀。」

38
不退轉金輪手



◇密法金剛部八手之五，為調伏法。

◇咒文第④⑥句云：「菩提夜菩提夜」，譯義為「覺道覺心」，即為大悲手相「不退轉金輪手眼。」

◇大悲心陀羅尼經第④④手相云：「若為從今身至佛身菩提心常不退轉者，當於不退轉金輪手。」

◇千光眼觀自在菩薩秘密法經第③③手印相云：「若為菩提心不退者，應修不轉輪法。其不轉觀自在菩薩像，相好莊嚴如前所說，但右手持金輪，左手按座作不轉勢，畫像已。印相左手按地，右手作拳，立風及空指如持輪勢。真言曰：

唵嚩日羅達磨 悉馱菩地質路（成就菩提心）嚩栗拏斫乞羅（金輪）阿薩拏（無動）娑嚩賀。」

39 頂上化佛手



- ◇ 密法羯磨部八手之二，為鈎召法。
- ◇ 咒文第④⑦句云：「善馱夜善馱夜」，譯義為「知者覺者」，即為大悲手相「頂上化佛手眼」。
- ◇ 大悲心陀羅尼經第⑤手相云：「若為十方諸佛速來摩頂授記者，當於頂上化佛手。」

◇ 千光眼觀自在菩薩秘密法經第③⑨手印相云：「若人欲得一切如來灌頂授記者，應修頂上化佛法。其灌頂觀自在像，相好莊嚴如上無異，唯二手拳頂上安置化佛，畫像已。其印相二手內縛並立二大指，押頭指側，以印置頂散之。真言曰：

唵嚩日羅達磨（金剛法）毘洗者（灌頂）鉢囉底車（授也）善馱達羅拏（佛地）娑嚩訶。」

40 蒲桃手

◇密法摩尼部八手之八，為增益法。

◇咒文第⑥⑥、⑥⑦二句云：「娑婆摩訶阿悉陀夜 娑婆訶」，譯義為「無量成就」，即為大悲手相「蒲桃手眼。」

◇大悲心陀羅尼經第④手相云：「若為果蓏諸穀稼

者，當於蒲桃手。」



◇千光眼觀自在菩薩秘密法經第④手印相云：「若為成就五穀等一切食物者，應修蒲桃法。其護地觀自在菩薩像，相好莊嚴如先無異，唯左手持蒲桃，右手施願契勢，其像成已。其印相左拳安腰，右手諸指舒即印地。真言曰：

唵嚩日羅達磨 悉馱達羅拏娑羅娑羅（地味成就也）娑嚩賀。」

41 甘露手

◇ 咒文第④句云：「蘇嚧蘇嚧」，譯義為「甘露」，即為大悲手相「甘露手眼」。

◇ 大悲心陀羅尼經第①手相云：「若為一切飢渴有情

唵素嚕素嚕 鉢羅素嚕 鉢羅素嚕 素嚕素嚕野



薩嚩賀。」

◇ 千光眼觀自在菩薩秘密法經：無

42
總攝千臂手



◇咒文第⑦、⑦二句云：「摩婆利勝羯囉夜 娑婆訶」，譯義為「一切功德成就」，即為大悲手相「總攝千臂手眼。」

◇經文第⑫手相云：「若為能伏三千大千世界一切怨魔者，當於總攝千臂手。真言曰：

唵 怛倆也他 嚩路枳諦 濕嚩囉野 薩婆咄瑟 吒鳴賀弭野 薩嚩賀。」

◇大悲心陀羅尼經：無

◇千光眼觀自在菩薩秘密法經：無

本文參考《大正新脩大藏經》

千手千眼觀世音菩薩廣大圓滿無礙大悲心陀羅尼經第二十卷密教部三第117頁至第119頁
千光眼觀自在菩薩秘密法經第二十卷密教部三第119頁至第126頁

百字明咒 (三遍)

喻^メ乏^フ資^サ拉^ラ薩^サ埵^ト三^ス味^ミ耶^ヤ麻^マ納^ナ巴^バ拉^ラ耶^ヤ乏^フ資^サ拉^ラ薩^サ埵^ト諦^テ奴^ヌ巴^バ諦^テ茶^{チャ}
 笛^{フエ}兒^コ作^ス莫^ム巴^バ瓦^ワ蘇^ソ多^タ使^シ樂^{ラク}莫^ム巴^バ瓦^ワ蘇^ソ巴^バ使^シ藥^{ヤク}莫^ム巴^バ瓦^ワ阿^ア奴^ヌ拉^ラ給^{ジヤム}
 都^ト莫^ム巴^バ瓦^ワ薩^サ兒^コ乏^フ錫^{シヤク}的^テ莫^ム巴^バ兒^コ牙^ヤ茶^{チャ}薩^サ兒^コ乏^フ葛^カ兒^コ麻^マ蘇^ソ札^{シャ}莫^ム汁^{ジュ}
 多^タ釋^{シヤク}利^リ養^{ヤウ}古^コ魯^ロ吽^{フン}哈^ハ哈^ハ火^カ巴^バ葛^カ乏^フ薩^サ兒^コ乏^フ達^ダ他^タ葛^カ達^ダ乏^フ資^サ
 拉^ラ沒^{メツ}木^{ボク}渣^{ヂヤ}乏^フ資^サ拉^ラ巴^バ乏^フ麻^マ訶^カ三^ス味^ミ耶^ヤ薩^サ埵^ト阿^ア吽^{フン}怕^パ

阿阿阿阿阿阿 阿阿阿阿阿阿 阿阿阿阿阿阿

(百字明之功效：於每日誦經、念佛、持咒等功課有重複、脫落之補闕功德無量。)

大輪金剛陀羅尼

誦此真言時，先作是觀念，盡虛空界生死六趣有情，速得入普集會
大曼拏羅，等同聖者。

拿麼命歸司得里牙三提維嘎難世打他噶打難如來海菴種子維喇

及維喇無垢及極淨嘛哈佳割喇大乏及里金剛三灑打灑打勇猛灑

喇得灑喇得堅固得喇夷得喇夷大乘維達嘛你智思三槃

戛你正破得喇嘛底三慧細達成就嚩里牙上勝得覽種子灌司乏哈圓滿

大輪金剛陀羅尼云。誦此咒廿一遍。能成一切咒法。善事速得成

就。能成一切印法。一切壇法。當入曼荼羅大壇。不用事壇。陀羅尼經云。誦此咒三七遍。即當入一切曼荼羅。所作皆成。誦咒有身印等種種印法。若作手印。誦諸咒法。易得成驗。若未曾入灌頂壇者。不得輒作一切手印。若入誦此咒。即同入壇。作印行用。不成盜法也。大藏祕要云。依教中說。一切真言手印。必從師受。若未入灌頂輪壇。輒結手印作法。得盜法罪。所作不成。若於如來像前。誦此咒廿一遍。即如見佛。即同入一切曼荼羅。所求諸法皆得成就。



大悲神咒持誦須知

一、凡持誦是咒者。不拘宰官士庶。男婦老幼道士僧尼。當守戒律。竭忠於君。孝養父母。不殺不盜。不淫不妒。不嗔不恨。不驕不詐。不綺言妄語。不惡口毒舌。尊重是咒。敬而信之。如獲至寶。自然所求如意。所願遂心。功德不可思議。

二、凡持誦是咒者。先念經中南無大悲觀世音。願我速知一切法云云。再念南無大悲觀世音菩薩十聲。南無阿彌陀佛十聲。欲求某事。即觀想圖中某手眼寶相。至心持誦。虔誠拜禱。無不響應。

三、凡持誦是經者。必須庵觀寺院之內。廣設壇場。作種種佈施供養。潔淨身心。焚修叩禮。乃為盡善。次則家庭靜室。灑掃嚴潔。焚香供養。方可誦持。又或力不從心。即望空一香。按日持誦。但辦誠心。

自得孚感之應。甚至舟車鞍馬。旅舍市廛。不及焚香。無由禮拜之處。只於每日清晨盥洗之後。至心望空虔誦五遍。勿令間斷。大悲威神之力。亦無有不感應者。

四、凡持誦是咒者。當悟經中所云。廣宣流布。莫令斷絕二句。或印施。或抄寫。或口授。務令此咒普為流傳。輾轉濟度。功德無量。

五、持此神妙大陀羅尼之人。必由夙世已曾供養諸佛。廣植善根。始能信心受持。是人功德。已無量無邊。獲福亦不可思議。但始勤終怠。修行人所忌。懷不信心。求願不遂。經云：於咒生疑者。乃至小罪輕業亦不得滅。何況重罪。普願同志善友。信心堅固。善果圓成。實厚望焉。

大悲水的念服法

凡三寶弟子淨口虔修者均可念大悲水療疾，並佈施結緣。念時，先須焚香頂禮，供開水一杯（多少不拘）；應念（一）香讚，（二）淨口業真言，（三）南無大慈大悲救苦救難廣大靈感觀世音菩薩（三稱），（四）千手千眼無礙大悲心陀羅尼（三稱），大悲咒四十九遍，（五）補缺真言，（六）南無大悲觀世音菩薩（十稱）。此大悲水仗佛威力能治一切大小疑難之症。服此水者必須素口先念「南無大悲觀世音菩薩」一十稱（如小兒或病者無法念時，凡有關係之人均可同聲代念），然後服下，立刻見效。如服此水者或其家人能發願放生，或每月齋素幾日，尤見功效，至若潛修大德念大悲水時，水可無限而佈施亦無限，此隨發心者功德如何而定。

大悲咒防火災法

除用大悲水徧灑居屋可免火災外，可改備黃元紙一張，念咒時儀式同上述；每念大悲咒一遍於此黃紙上印一紅○，共念大悲咒四十九遍（即印七○成一行，共七行）並於四角○上，每角加念觀世音靈感真言（即十小咒之一）一遍，加一小○於角上大○內，然後將此咒紙焚於各家灶君座前，能免一宅火災。如念咒者功德圓滿，能使四週鄰舍同受法益，不遭回祿。



大悲咒的感應

①清彭希曾婦姚氏，患瘡，發心持大悲咒。一夕夢老嫗授以一枝華，頓覺身輕如葉，而病尋癒（一行居集）

②荊山萬文玉自言：「予持大悲咒心經，靈異不勝縷述；憶母病篤將終，予痛哭流血，跽向大士前誦大悲咒一遍；母覺有人帶引回陽，漸氣暖能言動，數日獲安。」（聖經彙錄）

③宋釋寶通，長誦大悲陀羅尼。有趙姓女為魅所惑，病狂；師誦咒，鬼即逃，癩遂癒。

④清乾隆乙巳，蘇州旱。彭二林居士結三七期，誦大悲咒，加持西方佛名，斷午食，期滿得雨半尺。（觀河集）

⑤張抗，積善，向佛發誓，誦大悲陀羅尼十萬遍，求生淨土。年六十餘，寢疾，一心念佛。謂家人曰：「西方淨土，只在堂前；阿彌陀佛

坐蓮華上。」言訖，念佛而逝。（往生集）

⑥前南京國立高等師範學校校長江易園居士。壬子歲，居上海海寧路天保里。一夕，近鄰失火，勢甚危險。居士舉家持念觀世音菩薩名號，並大悲神咒。心想觀世音菩薩在虛空中，手執楊枝寶瓶，以大悲水灌至火所。稍頃，火即熄滅。（惜陰居十記）。

⑦前福建省防司令李生春，素持大悲咒甚虔。民國十四五年間，隨孫傳芳至閩，與周蔭人各任師長。周與李積不相能，賄令李護兵某乘間刺之，一日，李方晝臥，護兵某突舉槍向李射擊；李忽見床前有白衣觀音，舉袖一拂，彈憂然落地；第二槍亦然。至第三槍，彈忽咽住，急命左右捕之。鞠問，知為周所主使。周見計不售，再賄令李之庖人，乘間置毒。一日，午膳，李就席次，首舉匙取羹，忽覺有人自後陰掣其肱；回視，一無見；第二匙亦然。李頓起疑竇，忽覓庖人，已逸去

矣。何予培記（觀音靈感近聞錄第七編）

⑧釋傅德，住持湘城慈聖禪院。民國十三年六月間，乘小舟，渡大河。狂風浪作，舟將覆。心惶懼，急誦大悲咒數遍，風浪忽停，舟亦平。而離舟之一丈間，水面波浪，仍然疾湧。舟人云：「自幼至今，從未得見半河有浪，半河無浪之奇事；真菩薩慈悲威力也！」於是化險為夷，安然而渡。周頌堯記。（觀音靈感近聞錄）

⑨居士蔡仲光，法名真仁。癸亥年，客秭歸縣公署。夏曆六月初五日，與王書元、喬德三、李經武三先生，趁渡船往對河窰灣谿，為郭翁柳溪祝壽。同舟者男婦老幼共十有一人。時正江流盛漲。行至扁擔石，突遇冷泡（即昔所謂屈原三泡），趨避不及，舟竟覆。真仁既浮沉水中，而默誦大悲咒，觀想大悲大士拯拔同人。既而此十一人漂至下游舊州河，同得遇救，無一散亡，亦云奇矣！（海潮音）

附：觀音回向偈

印光法師撰

稽首觀世音，慈悲大導師，久證無上道，安住常寂光。為憐眾生苦，復現十界身，應何身得度，即為現何身。近令生善道，遠令證菩提，菩薩慈悲力，諸佛莫能說。我弟子某某，從無始至今，由惡業力故，輪迴六道中，經歷塵剎劫，莫由得出離。幸承夙善根，得聞菩薩名，欲仗大悲力，現生生淨土。長時稱聖號，慈禮拜供養，懺悔諸惡業，增長諸善根，惟願垂慈憫，消我諸罪障。放光照我身，舒手摩我頭，甘露灌我頂，湔滌我心垢，令我身與心，悉皆獲清淨。我願盡此身，及未來際劫，普與諸眾生，說菩薩恩德，令彼咸歸依，悉發菩提心。願垂慈憫故，證明而攝受。

觀世音菩薩感應靈課

印行流通序

釋印光撰

觀世音菩薩，愍念眾生之心，不可以言語形容；雖天地父母，未足以喻其少分。善根未種、未熟、未脫者，令其即種、即熟、即脫；應以何身得度者，即現何身而為說法。喻如日麗堯天，萬象咸蒙照燭；春回禹甸，百卉悉荷生成。有感即通，無謀而應。良以菩薩無心，以眾生之心為心；故得遍法界感、遍法界應，悉副彼念，了無差殊也。

《觀音感應課》者，俯順世情，令卜休咎，以期同種善根之妙方便也。凡占者，皆須稱菩薩名。如小兒有病，不肯服藥；塗藥于乳，則不服而服矣。菩薩名號如還魂香，若得見聞，宿業自消、宿善自生；以漸至于上追觀音之志事，究竟自利、利他于無既也。

茲因徐積餘居士與其夫人，得前明古本，石印千卷以結淨緣，略敘菩薩行慈之意云。

印光大師法語

觀世音菩薩，愍念眾生，尋聲救苦。凡作善事，懇求菩薩，必垂加被，令其得成。若作惡事，亦垂加被，令決不成；以成則造罪墮苦，其苦難救矣。此菩薩之真慈大悲也。

欲決疑者，若原供有菩薩像，則於像前焚香禮拜；若無，則即向此課本焚香禮拜。取五淨錢，將香煙上熏過，心中默禱所問之事。按下列之偈，并念菩薩若干聲。將錢在手中搖幾搖，令其次序散亂，然後擲於桌上；按次是幾字幾幕，照課本查是何卦，即得其所示之兆云。

〔編者按〕：五淨錢者，即取五枚銅幣，各於其一面，分別寫上「金、木、水、火、土」，平時宜收妥，專作占課之用。

占卜法須知

昔日唐三藏詣西天取經，值觀世音菩薩曰：汝往西天求教，道途凶惡，緣汝能辨。吾助汝三十二感應靈通之卦，日傳一課，便見當日前途吉凶，禍福無不應者。

欲叩，焚香祝禱，用淨錢五文，於香煙上度過，手內擎搖。禱祝偈曰：

紫金化身千百億 白衣妙相三十二

稽首圓通自在尊 沙界咸稱大悲主

南無大慈大悲靈感觀世音菩薩摩訶薩

志心念七遍，或三七遍，或一百八遍。叩而念，願賜證明。今虔祈禱：弟子某某，所求某事，未決憂疑；即於三十二課內，欲占一課。勿順人情，願垂感應！

製版流通緣起

昔明宮后，每齋沐焚香，捧誦

《觀世音菩薩靈課》，時為社稷卜歲豐、祈太平，屢屢感應；遂命付梓，印施百卷，以便臣民決疑，令預趨吉避凶。明明法寶，慈澤後人。意願宮闈清古，海宇昇平；雨露均調，仁風休作。願我菩薩靈課，啟發愚蒙，格佑為善。苟瀆慢而不敬者，占之反至尤焉。時萬曆壬辰正月十五日，刻於大乘禪寺，計板二十二塊，請京都衍法寺流行天下。

民國二十年間，徐積餘居士得前明古本，印施千卷。三十五年七月，比丘尼隆志，得徐本相示，為其手錄并改良圖畫，獻之蘇州靈巖山寺妙真方丈，請求製版流通，兼作靈岩山觀音洞籤書之用。爰作讚偈曰：

靈巖觀音洞
圖成垂觀瞻
諸惡不可作
心念不空過

妙相親身化
白毫悲心挂
衆善時加護
能滅諸有苦

(無錫弟子王德超敬撰)



◎第一

金木水火土

昇進卦 上上

彩鳳臨丹闕

靈龜降吉祥

禍除福祿至

喜氣自洋洋

此卦求財大吉

正宜出入歡娛

官詞口舌并消除

病人起離床蓆

求官目下成就

行人早晚還歸

禍除災散福盈餘

最喜高明富貴



◎第二

金

從革卦 上上

舊跡宜更改

新事好進程

龍門魚化躍

凡骨作神靈

此卦求財大利

謀望定有歸期

病人痊瘥離床蓆

凡事經營有理

行人還家立事


在外必有食衣

春來花發更何疑

幹事百無阻滯



◎第三



曲直卦 中平

動用因風便

求財可託人

喜逢戊己日

幹事得完成

此卦求財微細

病人不保朝夕

行人出外定延遲

官事經營無理

所求不得成就

謀望難稱心機

時來雨霽自光輝

佇看先憂後喜



◎第四



潤下卦 中上

船泛江湖內

難求獲寶珠

更宜進大用

福至禍災除

此卦心憂頓解

所求百事不成

只宜進步獲康寧

投託高人有慶

恰似寒爐發焰


猶如枯木逢春

更宜雨過散浮雲

放出一輪明鏡



◎第五



炎火卦 中平

凶卦按南方

烈火不可當

爭訟文書滯

時間有小殃

此卦多懷恐懼

常常猶豫心頭

進之有喜退之憂

目下且宜守舊

苑內有花凋謝

黃菊直至新秋

時來運至莫懷愁

不久自然成就



◎第六



稼穡卦 中平

戊己本居中

先憂後喜逢

夫子值陳厄

目下不和通

此卦凡事阻礙

先須破散錢財

行人在外未回來

病者難得痊瘥

所求未獲成就

莫憂運拙時乖


切須謹慎目前災

向後永無禍害



◎第七

◎金◎木◎



進遠卦 上上

門戶興安泰

錢財漸漸昌

進身求望吉

疾病得安康

此卦求財遂意

所幹宜用庚申

行人在外獲珍珍

病來百無所損

官事口舌有理

最喜成就婚姻

高人一見便歡欣

福祿重重有準



◎第八

◎金◎

◎水◎



得助卦 上上

所幹蒙天祐

門招百福臻

貴人相助

獲福盡歡欣

此卦辛入癸水

陰中貴人扶持

求官定著紫羅衣

行人出外獲利

爐內明焚香火

空中暗助神祇

子孫團聚盡欣嬉

所求遂心如意



◎第九

◎金

○

○

◎火

○

獲安卦 中上

目下如冬樹

枯衰未放花

看看春色動

一發盡生芽

此卦心多猶豫

先憂後喜無疑

行人在外錦衣歸

疾病淹纏遲滯

婚姻和合榮顯

官事豈有參差

恰如花柳鬥芳菲

目下與人和氣



◎第十

◎金

○

○

○

◎土

隨心卦 上上

春日融和氣

衰殘物再興

更逢微細雨

德澤又還生

此卦求財吉利

行人衣錦還家

婚姻和合并無差

口舌是非都罷

一旦加官進祿

稱心富貴榮華

今生再種福田芽

來世堆金無價



◎第十一



百達卦 上上

災散禍門閉

喜慶福門開

目前相逢處

須當得橫財

此卦上和下睦

自然喜慶無憂

更宜四遠把財求

名利隨心成就

早苗忽逢甘雨


順風好駕孤舟

一江春水向東流

百事安然無咎



◎第十二



安吉卦 上上

進用多隨意

寒儒衣錦歸

前程春風霽

散步賞芳菲

此卦進用吉兆

唯宜拜相封侯

貴人接引上高樓

合得金章紫綬

財利求來百倍


行人稱意無憂

一輪明月正當秋

照徹乾坤宇宙



◎第十三



舉進卦 下下

水中現明月

見影不見形

錢財多失散

謹慎得安寧

此卦申剋戊己

幹事堪歎難成

敗財損物失人情

莫與小人爭競

萬事不宜守舊

動進方有期程

好將香火供神靈

可保時中吉慶



◎第十四



安靜卦 中平

動用不安寧

經營事不成

退身方可吉

守分禍潛形

此卦只宜守舊

迴避不可張羅

謹身節用得安和

隨分隨緣且過

若要堆金積玉

恰如一枕南柯

好從靜處念彌陀

禳度解除災禍



◎第十五



阻隔卦 下下

衰木逢春少

孤舟遇大風

動身無所托

百事不亨通

此卦繁興阻隔

謀望不遂心頭

只宜守舊在林丘

愁慮更逢多咎

莫望加官進祿

休思寶馬輕裘

但行平等莫剛求

禱祈神天護祐



◎第十六



消厄卦 上上

日出照四海

光輝天下明

進身和合吉

百事自然成

此卦丙己無戰

自然百事安康

不宜守舊進前昌

行人在外無障

爭訟官詞有理

求財遂意禎祥

看經念佛保安康

滾滾公侯榮望



第十七

金木水

至喜卦 中上

病散身安泰

官事只可和

前程宜守舊

災禍自消磨

此卦剛柔之兆

凡事只可諧和

伏低做小莫爭他

忍者消除災禍

君子時乖運拙

小人得逞儂儂

黃花直至正秋過

自有清香遠播



第十八

金木土

猶豫卦 下下

此卦恍惚多

財帛暗消磨

婚姻反成害

人事不諧和

此卦凡事不遂

經營未決憂愁

受恩深處反為仇

提防小人爭鬥

口舌切須謹慎

利名莫苦貪求

秋來雨過五雲收

明月光輝宇宙



◎ 第十九

金

○

水

火

○

豐稔卦 上上

豐富時時進

錢財格格高

松筠欺雪露

蘭檜出蓬蒿

此卦三星將濟

年豐物富家豪

凡當謀望轉增高

出外行人即到

疾病不醫自好

是非口舌潛消

若能念佛不辭勞

象簡烏靴紗帽



◎ 第二十

金

○

水

○

土

得祿卦 上上

高明居祿位

籠禽得放生

動容招財寶

更宜向遠行

此卦只宜升進

不可守舊延遲

命中合著紫羅衣

遠投高人有喜

求財隨心滿願

幹事莫得狐疑

謝天謝地謝神祇

孚祐重重喜氣



◎第二十一

○木○水○火○

福祿卦 上上

福祿得高強

聲名自進昌

遂心獲大吉

萬里好風光

此卦進用之兆

禍退福至無涯

求財稱意恣奢華

錦繡雕鞍駿馬

所望無不從願

行人衣錦還家

三十二卦最為誇

福祿增崇者也



◎第二十二

○金○火○土

明顯卦 上上

明月正當天

清光午夜圓

纖毫雲翳息

萬里得凝然

此卦先前暗昧

于今皆已分明

求財幹辦好經營

下水張帆風正

官事口舌消滅

病人漸得身輕

爐香熱處紫煙生

眷屬安然吉慶



◎第二十三



凝滯卦 下下

羸馬登途遠

饑人去路長

進身皆不吉

凡事可消詳

此卦阻隔之兆

凡事所幹遲延

不宜出外離家緣

欲要求財難見

口舌翻成官事


提防疾病牽纏

若求安穩免災愆

預告神靈方便



◎第二十四



榮顯卦 上上

三家俱養性

始元得共生

果隨心造化

萬事自然成

此卦榮旺之兆

行藏進用堪為

所求之事應心機

成就萬無一失

病者即時痊癒

官詞勿慮無疑

求財謀望最堪宜

動止施為亨利



◎第二十五



福厚卦 上上

離別重相見

不知事盡通

所求皆遂意

身樂得從容

此卦相生之兆

凡為喜慶無虞

安然快樂自寬舒

和合賞心絕慮

買賣經營無阻


是非口舌消除

行人出外數年餘

今日歡迎會聚



◎第二十六



永成卦 上上

年來少災害

先祖積陰鶩

若言幹辦事

皇天相助力

此卦一切成就

更堪百事亨通

家門興旺永無窮

抱德正宜進用

行人不久當至

病人體態窮通

是非口舌盡消鎔

禍去福來遠永



◎第二十七

○木○水○火○土

歲稔卦 上上

霖雨禾苗潤

何愁不廣收

隨心得所以

無喜亦無憂

此卦猶如冬樹

看看際遇新春

枯枝得雨再芳芬

群卉悉皆萌潤

九橫三災殄散

百非萬禍離門

榮華富貴恣歡欣

絕勝增奇利順



◎第二十八

○金○木○火○土

開發卦 上上

蚌中珠自現

石內玉爭妍

進身求望吉

凡庶作神仙

此卦諧和之兆

命中祿位遷高

烏靴象簡紫羅袍

寶馬金鎗夾道

占病早獲痊癒

求財即得豐饒

修心念佛志堅高

散慮逍遙絕惱



◎第二十九

◎金◎木◎水◎火◎

天祿卦 上上

征戰逢威力

旌旗引駕歸

功成名位就

門戶見光輝

此卦凡事大吉

命中天祿乘除

動容喜得貴人扶

官位聲名高舉

福至重重有據

災消寂寂無餘

身安心樂且寬舒

積玉堆金滿庫



◎第三十

◎金◎水◎火◎土◎

後喜卦 中平

離水得到岸

過橋獲度安

重重憂險阻

蕩蕩自心寬

此卦心懷憂慮

所求未得自然

求官進用望高遷

不見隨心滿願

自覺重重有阻

誰知漸漸當權

佇看錦色耀重添

官祿增崇榮顯



◎第三十一

◎金◎木◎水◎土◎

遲滯卦 下下

迢迢途路遠

看看日墜山

憂心無可託

所作事艱難

此卦凡事遲滯

猶如車陷淤泥

程遙路遠日沉西

無託無依無濟

投託少逢相識

求財不見毫釐

不如聞早念阿彌

自有神天孚庇



◎第三十二

○ ○ ○ ○ ○ ○ ○ ○ ○ ○

絕跡卦 下下

塵暗秦時鏡

珉合下氏瓊

如屈石窟內

何日見光明

此卦憂疑之兆

所為暗昧不明

只宜守舊不宜行

口舌是非災病

一切所求不遂

百般謀望難成

不如向善早看經

免致磨磚作鏡



諸佛菩薩誕辰及紀念日（農曆）

12月8日	11月17日	10月5日	9月30日	9月19日	7月30日	7月13日	6月19日	6月3日	4月8日	4月4日	3月16日	2月21日	2月19日	2月15日	2月8日	1月1日
釋迦牟尼佛成道日	阿彌陀佛聖誕日	達摩祖聖誕日	藥師琉璃光如來佛聖誕日	觀世音菩薩出家日	地藏王菩薩聖誕日	大勢至菩薩聖誕日	觀世音菩薩成道日	韋馱菩薩聖誕日	釋迦牟尼佛聖誕日	文殊菩薩聖誕日	準提菩薩聖誕日	普賢菩薩聖誕日	觀世音菩薩聖誕日	釋迦牟尼佛涅槃日	釋迦牟尼佛出家日	彌勒菩薩聖誕日

六齋日

每月8日・每月14日・每月15日・每月23日
 每月29日・每月30日（月小改當月最後一天）

十齋日

每月1日・每月8日・每月14日・每月15日
 每月18日・每月23日・每月24日・每月28日
 每月29日・每月30日（月小改當月最後一天）

觀音齋

正月8日・2月7日・2月9日・2月19日
 3月3日・3月6日・3月13日・4月22日
 5月3日・5月17日・6月16日・6月18日
 6月19日・6月23日・7月13日・8月16日
 9月19日・9月23日・10月2日・11月19日
 11月24日・12月25日

南無護法韋馱天尊菩薩



普為出資及讀誦受持
 輟轉流通者迴向偈曰
 願以此功德
 莊嚴佛淨土
 上報四重恩
 下濟三途苦
 若有見聞者
 悉發菩提心
 盡此一報身
 同生極樂國

本會一切法寶
 免費結緣
 禁止販售
 請勿擅改內容
 歡迎翻印流通

This book is for free distribution. It is not for sale. Printed in Taiwan.

公元二〇一一年四月 恭印貳仟冊

千手千眼觀世音菩薩
廣大圓滿無礙大悲心陀羅尼經

附：觀世音菩薩感應靈課暨四十手印補注

出版者：華藏淨宗學會

地址：台北市大安區信義路四段三三三之一號二樓

電話：（〇二）二七五四—七一七八

傳真：（〇二）二七五四—七二六二

劃撥帳號：一九三九一〇七六

戶名：社團法人中華華藏淨宗學會

E-mail：hwadzam@hwadzam.tw（請法寶專用）


www.amb.tw

www.amb.cn

淨空法師
影音網址
www.chinkung.org

www.hwadzam.tw

承印者：和裕出版社（〇六）二四五四〇二三—七



華藏淨宗學會

THE CORPORATION

REPUBLIC OF HWA DZAN SOCIETY

本會一切法寶，免費結緣，禁止販售，請勿擅自改內容，歡迎翻印流通。

This book is for free distribution. It is not for sale.

Printed in Taiwan